

晉書

附十六國

漢

後趙

前燕

前秦

王猛

後秦

蜀

前凉

後凉

南凉

北凉

西凉

後燕

北燕

南燕

西秦

夏

史略

卷十六起

二十三止

第三冊

史畧 晉書目錄

卷十六

帝紀

宣帝

景帝

文帝

武帝

惠帝

懷帝

愍帝

元帝

明帝

成帝

康帝

穆帝

哀帝

廢帝

簡文帝

孝文帝

安帝

恭帝

后妃

惠賈后

成恭杜后

穆章何后

卷十七

列傳

王祥弟覽

何曾子遵

石崇王愷

羊祜

杜預

裴秀子頤

裴楷子憲

衛瓘子恒

衛玠

張華

安平獻王孚

譙承王承

齊王攸

王沈子浚

荀勗

賈充孫謚姪模

魏舒

劉寔

王渾

王濟

王濬

唐彬

山濤

山簡

王戎

王衍

王澄

卷十八

列傳

樂廣

鄭默

劉毅

傅玄

傅咸

楊暢

阮籍子渾

阮咸子瞻

阮修

阮裕兄旅

嵇康

嵇紹

向秀

劉伶

謝鯤

胡毋輔之

畢卓

羊曼

庾敳

束皙

郤詵

陸機

陸雲

潘岳

張

弟協

江統

孫楚

孫綽

胡奮

周處

周玘

弟札

周訪

周虓

卷十九

列傳

文成王亮

楚隱王瑋

趙王倫

齊王同

長沙厲王乂

成都王穎

河間王顒

陳孝獻王昺

滿奮

索靖

子綝

荀晞

劉喬

劉琨

劉興

祖逖

祖納

淮南王允

清河王顥

會稽王道子

王導

王悅

王洽

子延

劉宏

陶侃

溫嶠

郗鑒

郗愔

子愔

卷二十

列傳

顧榮

紀瞻

劉隗

刀

協子彞

戴淵

周顗

卞壺

劉超

鍾雅

郭璞

葛洪

庾亮

庾惔

庾冰

庾翼

桓彝

桓沖

桓石虔

子振

王湛

王承

王述

王坦之

王沈

荀美

范汪子甯

劉琨

張憑

韓伯

王彬

王彪之

虞潭

何充

蔡謨

諸葛恢

殷浩

蔡裔

卷二十一

列傳

孔瑜

張茂

丁潭

謝尚

謝安

謝琰

謝混

謝奕

謝玄

謝萬

謝朗

謝重

郝隆

王羲之

王徽之

王獻之

桓伊

毛寶

朱序

陳壽

王長文

孫盛

孫放

于寶

習鑿齒

徐廣

顧和

袁山松

車允

宋宗

孫康

毛元

劉牢之

殷仲堪

劉毅

何無忌

卷二十二

列傳

孝友

李密

王裒

庾袞

顏含

劉殷

王延

忠義

韋忠

沈勁

羅企生

良吏

胡威

鄧攸

吳隱之

儒林

范宣

續咸

王歡

文苑

左思

張翰

袁宏

顧愷之

外戚

杜又

褚裒

王濛

王蘊

王恭

隱逸

宋 纖

謝 敷

戴 逵

陶 潛

藝術

吳 猛

鍾離權

許 遜

佛圖澄

烈女

羊耽妻辛氏

杜有道妻嚴氏

王渾妻鍾氏

王凝之妻氏謝

竇滔妻蘇氏

符登妻毛氏

好叛

王 敦

桓 溫孟嘉

桓 立

卷二十三

附十六國

漢

後 趙

前 燕

前 秦王猛

後 秦

蜀

前 涼

後 涼

南 涼

北 涼

西 涼

後 燕

北燕

南燕

西秦

夏

史略卷之十六

皖南朱 堃筠如輯

晉書帝紀

高祖宣帝

姓司馬諱懿字仲達河內溫縣人

懿少有奇節博學洽聞漢末大亂慨然有憂天下心曹操使與子丕游與陳羣吳質朱鑠號曰四友懿征遼東過溫會故舊讌飲爲歌曰天地開闢日月重光遭遇際會畢力遐方將埽羣穢還過故鄉肅清萬里總齊八荒告成歸老待罪舞陽魏主叡寢疾執懿手曰以後事相託與曹爽並受遺詔輔少主芳卽位爽擅朝政徙懿爲太傅用何晏鄧颺丁謐之謀遷太后於永寧宮多樹親黨屢改制度時人語曰何鄧丁亂京城懿奏太后廢爽列陣闕下大司農桓範出赴爽蔣濟曰智囊往矣懿曰駑馬戀棧豆必不能用也遂收爽晏颺等夷三族大尉王淩謀立楚王彪詐言吳人塞淝水請討之懿知其計自帥中軍汎舟九日而到甘城淩計無所出乃就縛曰

公當折簡召凌何苦自來耶懿曰以君非折簡之客故耳遂以凌歸初操
察懿有雄豪志聞有狼顧相乃召前行令反顧面正向後而身不動又嘗
夢一馬同食一槽甚惡焉因謂丕曰司馬懿非人臣必預汝家事不與懿
善每相全佑故免

世宗景帝

諱師字子元

師懿長子雅有風采沉毅多大畧懿將誅爽深謀密策獨與師潛畫昭未
之知將發父乃告之師寢如常昭不安席晨會兵置陣甚整懿曰此子竟
可也懿殂師輔政廢芳立高貴鄉公髦初師曰有痼割之淮南之役文鴛
來攻驚而目出懼六軍之恐蒙之以被痛甚嚙破敗而左右莫知疾篤使
昭總統諸軍

太祖文帝

諱昭字子上

昭師同母弟魏主髦以昭三世宰輔政非已出情不能安將臨軒黜昭召
侍中王沈散騎常侍王業尚書王經示之戒嚴沈業馳告昭昭使賈充爲

之輔髦遂拔劍升輦帥左右攻相府充叱諸將曰公蓄養汝輩正謂今日太子舍人成濟抽戈刺之刃出於背髦殞於車王經死之昭召百寮謀僕射陳泰不至使其舅荀顗致之昭謂曰元伯天下其如我何泰曰惟腰斬賈允微以謝天下昭曰卿更思其次泰曰但見其上不見其次於是歸罪成濟夷三族太傅孚等請以王禮葬髦許之昭後進爵爲晉王

世祖武帝

諱炎字安世文帝長子在位二十五年號太始咸寧泰康太熙

帝字量宏厚善謀能斷承魏氏奢侈刻弊之後厲以恭儉有司奏御牛青絲鞞斷詔以青麻代之太醫程據獻雉頭裘帝命焚於殿前敕有獻奇技異服者罪之平吳之後怠於政術耽於游晏寵愛后黨楊駿及弟珧濟始用事時謂之三楊帝以才人謝玖賜太子生皇孫適宮中嘗夜失火帝登樓望之適年五歲牽帝裾入閤中曰暮夜倉猝宜備非常不可令照見人主帝奇之雖知太子不慧恃適聰睿故無廢立之心左貴嬪名芬思妹也少好學善綴文名亞於思帝重芬詞藻每有方物異寶必詔爲賦頌以是

屢獲恩賜焉胡貴嬪名芳舊女也帝多簡良家子女以充內職自擇其美者以絳紗繫臂復納孫皓宮人五千掖庭殆將萬人常乘羊車恣其所之至便宴寢宮人競以竹葉插戶鹽汁灑地而引帝車芳最蒙愛殆有專房之寵

惠帝

諱衷字正度武帝二子在位十七年號永熙元康永寧太安永興光熙

帝憊駭不辨菽麥嘗在華林園聞蝦蟆問左右曰此鳴者爲官乎爲私乎或對曰在官地爲官在私地爲私天下荒亂百姓餓死帝曰何不食肉糜政在臣下貨賂公行魯褒作錢神論以譏之曰錢之爲體有乾坤之象視之如兒字曰孔方排金門入紫闥危可使安貴可使賤是故忿爭非錢不勝幽滯非錢不拔怨讎非錢不解令聞非錢不發凡今之人惟錢而已後食餅中毒而崩或曰太傅越之鳩也

懷帝

諱熾字豐度武帝二十五年在位六年號永嘉

帝天姿清劭少著英猷及卽位臨太極殿使尙書郎讀時令又於東堂聽

政黃門侍郎薄宣歎曰今日復見武帝之世矣時羽檄徵天下兵帝謂使者曰爲我語諸鎮今日尚可救後則無逮矣卒無至者太傅越出許昌以行臺自隨宮省無復守衛寇入京師劉曜執帝送平陽劉聰使帝青衣行酒侍中庾珉號哭遂遇害

愍帝

諱鄴字彥廣武帝孫吳王晏子出繼秦王東在位四年號建興

洛陽傾覆帝避難滎陽尋歸長安奉懷帝囚問成禮卽位時長安城中戶不盈百蒿棘成林朝廷惟桑版署號而已眾唯一旅公私有車四乘器械多闕劉曜逼京師飢甚米斗金二兩人相食太倉有麴數十麴屑爲粥以供帝至是復盡遂送賤於曜劉聰出獵以帝行車騎將軍戎服執戟爲導見者曰此故長安天子也故老有垂泣者後大會使帝行酒洸爵已而更衣執蓋尚書郎辛賓抱帝慟哭并爲聰害

中宗元帝

諱肅字景文琅邪恭王觀之子宣帝曾孫在位六年號建武太興永昌

帝生於洛陽有神光之異一室盡明及長白毫生於目角之左隆準龍顏

目有精曜顧盼煒如也嵇紹謂人曰琅琊王毛骨非常非人臣之相也永嘉初用王導計始鎮建業賓禮名賢存問風俗辟掾屬百餘人時謂之百六掾及西都不守帝出師露次慰日進討愍帝凶問至卽位建康號東晉帝性簡淡冲素容納直言初頗以酒廢事王導諫遂引觴覆之太極殿帷帳冬施青布夏施青練拜賈人有司請市雀釵不許所幸鄭夫人衣無文絲先是童謠云五馬浮渡江一馬化爲龍帝與西陽汝南南頓彭城五王獲濟而帝登大位初元石圖有牛繼馬後故宣帝深忌牛氏爲二榼共一口以貯酒帝先飲佳者而以毒鴆其將牛金恭王妃夏侯氏竟通小吏牛氏而生帝亦有符云

肅宗明帝

諱紹字道徽元帝長子在位三年號太寧

帝幼聰哲常有使從長安來元帝問曰長安近日近對曰長安近但聞人從長安來不聞人從日邊來元帝奇其對明日宴羣寮又問對曰日近元帝曰何乃異聞者之言乎對曰舉目見日不見長安益奇之太寧中王敦

舉兵內向帝陰察敦營敦夢日環其城驚起曰黃鬚鮮卑奴來也帝母燕代人故云使五騎追帝帝馳去以七寶鞭與逆旅賣食嫗曰後騎來以此示追者至嫗因示之五騎傳玃良久乃獲免帝崎嶇遵養以弱制強雖享國日淺而規模宏遠矣

顯宗成帝

諱衍字世根明帝子在位十七年號咸和咸康

庾太后臨朝庾亮輔政亮殺南頓王宗帝不知也久之問白頭公何在亮對以謀反伏誅帝泣曰舅言人作賊便殺之人言舅作賊復若何庾懌送酒於王允之允之與大夫懌懼表之帝曰大舅已亂天下小舅復欲爾耶少爲舅氏所制及長留心萬機務在簡約嘗欲以後園作射堂計用四十金以勞費乃止

康帝

諱岳字世同成帝母弟在位二年號建元

成帝不念中書令庾冰以國有強敵宜立長君請以琅玕王爲嗣及卽位詎聞不言委政於庾冰何充

孝宗穆帝

諱明字彭子康帝子在位十七年號永和升平

帝年三歲褚太后設白紗帷於太極殿抱帝臨軒升平初始親萬機時桓

溫伐蜀拜表輒行豺狼當路軍役繁興

哀帝

諱丕字子齡成帝子任位四年號隆和興寧

時桓溫議遷都洛陽而北士蕭條人情疑懼王述曰溫欲以虛聲威朝廷但從之自無所至事果不行帝好黃老斷穀餌長生藥遂中毒不識萬機

崇德太后復攝政

廢帝海西公

諱奕字延齡哀帝母弟在位九年號太和

時諸公每朝朝堂猶暗惟會稽王昱來軒軒如朝霞舉初桓溫有不臣之心枋頭之敗威名頓挫潛謀廢立以長威權遂誣帝爲闇廢之

太宗簡文帝

諱昱字道萬元帝少子在位二年號咸安

帝少有風儀美容止留心典籍凝塵滿席湛如也雖神識恬暢而無濟世大畧嘗入華林園謂左右曰會心處不在遠翳然林水便自有濠濮間想